

王澍霖*

總統令

中華民國98年1月23日

華總二榮字第09800000261號

總統府前國策顧問、監察院前監察委員王澍霖，貞固忠悃，才識淵茂。少歲卒業國立政治大學法律系，嗣遊學東瀛，獲明治大學法學博士學位，夙嫻詩禮文章，曉暢中外律令，碩學砥行，早播英聲。旋出任國民大會制憲代表，縝密審議五五憲草條文，訂定國家根本大法；扶助保障蒙藏邊疆族裔，丕奠永續發展基石，畢慮殫誠，鴻猷周至。復膺選行憲後監察委員，振興官箴綱紀，體現御史職能；尋求民瘼疾苦，亟力糾彈不法，察隱辨微，匡正風尚。晚歲應聘總統府國策顧問，讜言肅政，尤徵節概。綜其生平，功業著乎黎庶，勛績流而長存，清勤審諤，齒德俱尊；遺緒絜範，青史昭垂。斯人已遠，軫悼彌深，應予明令褒揚，用示政府篤念耆賢之至意。

總統 馬英九

行政院長 劉兆玄